

2024-mut Nunatta Karsiata naatsorsuutaasa akuersissutigineqarnissaannik siunnersuut
Aningaasaqarnermut Akileraartarnermullu Naalakkersuisumit saqqummiunneqartoq

pillugu

Kukkunersiuiinermut Ataatsimiititaliap

siunnersuutip aappassaaneerneqarneranut

ISUMALIUTISSIISSUTAA

Kukkunersiuiinermut Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Iddimannngiiu Jensen Bianco, Inuit Ataqatigiit, siulittaasoq

Inatsisartunut ilaasortaq Kuno Fencker, Naleraq, siulittaasup tullia

Inatsisartunut ilaasortaq Karen-Marie Kyed Frederiksen, Demokraatit

Inatsisartunut ilaasortaq Erik Jensen, Siumut

Inatsisartunut ilaasortaq Aqqalu C. Jerimiassen, Atassut

Ataatsimiititaliami ilaasortat ulloq 23. september 2025 inissitsiterneqarput.

2024-mut Nunatta Karsiata naatsorsuutaasa akuersissutigineqarnissaannik Inatsisartut aalajangiiffigisassaattut siunnersuut ulloq 30. september 2025 ukiaanerani ataatsimiinnermi siullermeerneqarpoq. Siullermeerneqarnerata kingorna siunnersuut ataatsimiititaliamit misissorneqarpoq.

1. Aallarniut

2024-mut Nunatta Karsiata naatsorsuutai Kukkunersiuinermut Ataatsimiititaliamit misissorneqarput tamannalu tunngavigalugu Naalakkersuisunut allakkatigut apeqqutiniq nassiussinikuulluni. Taamatuttaaq Naalakkersuisup akissuteqaatai pillugit ataatsimiititaliaq malitseqartitsilluni apeqquteqarnikuuvoq. Naatsorsuutit pillugit nassuiaatit kiisalu kukkunersiuinermut nalunaarusiaq pillugu Naalakkersuisut oqaaseqaataat aallaqqaasiutigalugit ataatsimiititaliap naatsorsuutit pillugit sulini aallartippaa. Taamaalluni kukkunersuisut nalunaarutaannit kiisalu Naalakkersuisut tamatumunnga oqaaseqaataannit eqikkaanerit isumaliutissiissummi matumani pineqartumi ilaatigut ilanngunneqarput.

Apeqqutit oqaaseqaatillu tamarmik Naalakkersuisunit akissuteqarfigineqareernikuusut isumaliutissiissummut ilanngussatut kakkiunneqarput tak. Inatsisartut aamma Naalakkersuisut pillugit Inatsisartut inatsisaat § 18 imm. 1, paasissutissat isertuussassat aamma/imaluunniit inunnuat ataasiakkaanut tunngassutillit minillugit, taakkua ilanngussanut ilaatinneqanngillat.

1.1. Kukkunersiuinermut Ataatsimiititaliami siunertat suliaassallu

Pisortat aningaasaataannik ingerlatsineq pillugu inatsisartoqarnikkut nakkutilliinerup tapersersorneqarnissaa pisortatigoortumik kukkunersiuinermi siunertaavoq. Kukkunersiuinermut Ataatsimiititaliap suliaasai Inatsisartut aamma Naalakkersuisut pillugit Inatsisartut inatsisaanni nr. 26-mi, 18. november 2010-meersumi § 18-imi aamma § 19-imi kingusinnerusukkullu allannguuteqartinneqartumi allaqqapput.

Kukkunersiuinermut Ataatsimiititaliap suliaasaani pingaarnerpaaq naatsumik oqaatigissagaanni tassaavoq, ukiumut ataasiarluni Nunatta Karsiata Naatsorsuutaanik, tassungalugu kukkunersuisut oqaaseqaataannik misissuinissaq. Inatsisartoqarnikkut nakkutiginninnermi makkua misissuinnermit qulakkeerneqassapput 1) naatsorsuutit eqqortuunersut (aningaasaqarnermik kukkunersiuineq), 2) inatsisit, malittarisassat, aningaasaliissutit nalunaarutigineqarnikut allallu najoqqutassat malinneqarnersut (inatsisit atuutsinneqarnerannik kukkunersiuineq), aamma 3) Nunatta Karsiata aningaasaatai pisortani aningaasaqarnikkut pitsaasumik aqutsinermut malitassat malillugit ingerlanneqarsimanersut, tassunga ilanngullugu pisortatigut aningaasalersuinermut atatillugu sipaarniarnissap, naammassisaqarluarnissap sulilluarnissallu qulakkeerneqarnissaannut sapinngisamik naammaginnartumillu qanoq iliortoqarsimanersoq (ingerlatsinermik kukkunersiuineq).

Naatsorsuutit pissutissaqartitsisimappata Kukkunersiuinermut Ataatsimiititaliaq allakkatigut apeqqutiniq oqaaseqaatinillu Naalakkersuisunut saqqummiussissaaq. Taamaattoqartillugu Naalakkersuisut kukkunersiuinermut nalunaarummut akissutaat kiisalu oqaaseqaataat Kukkunersiuinermut Ataatsimiititaliap isumaliutissiissutaanut ilanngunneqartarput, taannalu aappassaaneerinninnermi Inatsisartunut saqqummiunneqartarpoq. Tamanna tunngavigalugu

Inatsisartunit aalajangiiffigineqartarpoq, Kukkunersiuinermut Ataatsimiititaliamit isornartorsiugassaqaartillugu, ingerlatsinermut akisussaasuusumut kinguneqartitsisoqassanersoq. Nunatta Karsiata Naatsorsuutaanik ataatsimiititaliap misissuineranut atatillugu Kukkunersiuinermut Ataatsimiititaliaq isornartorsiuisimappat, Naalakkersuisut tassaassapput – naalakkersuinikkut akisussaasuusutut – pissutsit pineqartut pillugit aaqqiissuteqarniartussat.

Isumaliutissiisummi matumani siunertaq tassaavoq:

- Naalakkersuisut aningaasaliissutaasunik qanoq ingerlatsisimanerat pillugu kiisalu Inatsisartut aalajangiiffigisaat atuuffissaannut ingerlateqqissimaneraat Inatsisartunut ilisimatitsissutigissallugu.
- Peqqussutigineqassalluni isornartorsiugassaqaartillugu Naalakkersuisut iliuuseqarlutillu aaqqiissuteqartarnissaat. Taamaattoqartillugu pissutsit qanoq aaqqiiviginiarneqarnersut pillugu Naalakkersuisoq akisussaasuusoq ataatsimiititaliamit nassuiaateqaqquneqartassaaq. Kukkunersiuinermut Ataatsimiititaliaq naammaginartumik akissuteqartoqarnissaata suliassaqarfimmilu taamaaqataanik pitsanngoriaateqartitsisoqarnissaata tungaanut suliami malinnaassaaq.

Tamatuma saniatigut Inatsisartut aamma Naalakkersuisut pillugit Inatsisartut inatsisaanni nr. 26-mi, 18. november 2010-meersumi § 19 naapertorlugu Namminersorlutik Oqartussat aktiatigut soqutigisaannik Naalakkersuisut suliagarnerat Kukkunersiuinermut Ataatsimiititaliap nakkutigisaraa. Nakkutilliinermut atatillugu aktianik piginneqatigiiffiit Namminersorlutik Oqartussanit tamakkiisumik pigineqartut imaluunniit piginneqataaffigineqartut ingerlanneqarnerini aningaasaqarnikkut tulluurtumik isumagineqarnissaat Naalakkersuisunit naammattumik qulakkeerniarneqarsimanersoq pillugu ataatsimiititaliaq naliliisinnaavoq.

1.2. Kukkunersiuinermut Ataatsimiititaliami nalilersuutit tulleriiaarnerat

Kukkunersiuinermut Ataatsimiititaliap oqaaseqaatai nalilersuutit tulleriiaarnerat tulluuttutigut allaqqasoq aallaavigalugu suliarineqarput:

Nalilersuutit tulleriiaarnerat

Uparuaaneq pitsaasoq	Pitsaasorujussuurtut isigaa Pitsaasutut isigaa Naammaginartutut isigaa/naammagisimaarpaa
Uparuaaneq ajorpallaanngitsaq	Naammaginarpallaanngitsutut isigaa
Uparuaaneq naammaannartoq	naammaginangitsutut isigaa uparuarpaq/naqissuserpaq/peqqusivoq/ naatsorsuutigaa

	ajuusaarutigaa/ernumanartippaa/ aarlerinartippaa
Uparuaaneq sakkortoog	isornartorsiorpaa/isornartoqartippaa/ sakkortuumik isornartorsiorpaa Uparuarpaa/sakkortuumik uparuarpaa
Uparuaaneq sakkortunerpaaq	sakkortuumik uparuarpaa immikkullu Inatsisartunut malugeqqullugu

2. Kukkuersiuinermut Ataatsimiititaliap Inatsisartunut inassuteqaataa

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni nr. 26, 28. november 2016-imeersumi kingusinersukkullu allannguuteqartinneqartoq, kiisalu kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersoq naapertorlugit 2022-mut Nunatta Karsiata Naatsorsuutai pillugit isumaliutissiissut matumani pineqartoq Kukkuersiuinermut Ataatsimiititaliap tunniuppaa.

Nunatta Karsiata 2024-mut naatsorsuutai Nunatta Karsiata kukkuersiuisanit Inatsisartut inatsisaanni taaneqartumi § 38 aamma § 39 naapertorlugit nangaassutitaqanngitsumik upernarsaaserneqarput, tamanna ima isumaqarpoq Nunatta Karsiata naatsorsornissaanut ileqqut malillugit 2024-mut naatsorsuutit ataatsimut isigalugit eqqortumik takutitsisuusut.

Nunatta Karsiata Naatsorsuutaanik kukkuersiuineq kiisalu Kukkuersiuinermut Ataatsimiititaliap naatsorsuutininik suliaqarnera tunngavigalugit **Nunatta Karsiata 2024-mut Naatsorsuutaasa Inatsisartunit akuerineqarnissaat inassutigineqarpoq.**

3. 2024-mut Nunatta Karsiata naatsorsuutai pillugit Kukkuersiuisut oqaaseqaataat

Kukkuersiuisoq avataaneersoq Inatsisartunit toqqarneqartoq 2024-mut Nunatta Karsiata Naatsorsuutai pillugit oqaaseqaatiminik kukkuersiuisut nalunaarutaanni tunniussivoq. Nalunaarut kiisalu Naalakkersuisut tassunga oqaaseqaatai isumaliutissiissummi matumani ilanngussatut ilaatinneqarput. Nunatta Karsianut kukkuersiuisup oqaaseqaatai kiisalu tassunga Naalakkersuisut akissuteqaatai eqikkarlugit tulliuttutigit ersarissaavigineqarput.

Nunatta Karsianut kukkundersiuisup 2024-mut Nunatta Karsiata Naatsorsuutai **nangaassuteqarnani uppersarpai.**

Taamaattorli Namminersorlutik Oqartussat suliffeqarfittut angissusaa katitigaaneralu eqqarsaatigalugu Namminersorlutik Oqartussani nakkutilliisarneq naammassinnittuaannarneq ajortoq nunatta karsianut kukkundersiuisoq isumaqarpoq.

3.1. 2024-mut Nunatta Karsiata naatsorsuutai pillugit Kukundersiuisut oqaaseqaataat

2024-mut Nunatta Karsiata Naatsorsuutai pillugit Nunatta Karsianut kukkundersiuisua nutaanik **oqaaseqaatissaqanngilaq.**

3.2. Nunatta Karsiata kukundersiuisuata kukundersiuisut siusinnerusukkut oqaaseqaataannik malittarinninnera

Ukiunut naatsorsuuseriffiusut siuliinut kukundersiuisut oqaaseqaataat tulluuttutigut allaqqasut suli ammapput, taamaattumik Nunatta Karsianut kukkundersiuisoq suli pissutsinut malinnaavoq.

Oqaatigineqassaaq pissutsit ammasut pillugit suliniutinik Naalakkersuisut aallartisisimasinnaammata, tassanili sunniutissarpiaa suli takkunnikuunngilaq, taassuma aalajangiiffigineqarneraniit sunniuteqarnissaata tungaanut piffissaq ingerlaqqaartussaammat.

1) Nammineq nakkutilliinermut atatillugu akissarsiat tamakkiisut allattorsimaffiinik suliaqartarnerup pingaarutaanik erseqqissaanissaq (2013)

Akissarsiat tamakkiisut allattorsimaffiinik saqqummiussisarnissamut tassungalu nakkutilliisarnissamut systemimik nutaamik pisaarnerup kingorna akissarsiat tamakkiisut allattorsimaffiinik nakkutiginninneq pitsaanerulersimasoq Nunatta Karsianut kukundersiuisoq naliliivoq. Taamaattorli susasaqarfiup iluani suli unammillernartoqarnera peqqutaalluni kukundersiuisut oqaaseqaataat attatiinnarneqassapput. Immikkoortuni ataasiakkaani akissarsiat tamakkiisut allattorsimaffiinik nakkutilliisarnissaq pingaaruteqartorujussuuvoq, tamanna akissarsianik kukkusunik tunniussinnginnissamut qulakkeerinninnerummat. Nunatta Karsiata kukundersiuisuata tamanna 2025-mi malitseqartissavaa.

Naalakkersuisut oqaaseqaataat:

Akissarsialerissutip nutarternera Inussuk IT aqutigalugu suli kinguaattooqqavoq. 2024-p ingerlanerani akissarsiat tamakkerlugit allattorsimaffiat aqutigalugu nammineq nakkutilliinermik patajaallisaanermut suliat pingaarutillit marluk piareersarneqarsimapput. Siulleq tassaavoq maanna akuersisartut aaqquissuussamik takuneqarsinnaasunngortinnissaat. Taamaalilluni akissarsiat tamakkerlugit allattorsimaffianni akuerisami nalunaaruteqartarneq pitsaanerulissaaq akissarsiallu tamakkerlugit allattorsimaffii akuerineqarnissaannut utaqqineqartut malitseqartinneqarsinnaanerat pitsaanerulissalluni. Suliniutip aappaa tassaavoq immikkoortunut arlalinnut akissarsiat tamarmiusut allattorsimaffiannik annertusaanissaq, immikkoortut taamaalillutik akuersinermut ataatsimut pineqartumut ilaatinneqalissallutik. Suliniutit tamarmik 2025-p aallartinnerani/qeqqani atuutsilernissaat pilersaarutaavoq.

*Pissutsit pitsaanerulersimanerat aammalu akissarsiat tamakkerlugit allattorsimaffiinnut akissarsianillu tunniussassaannigitsunik tunniussisoqartarnerata pinngitsoortinniarneqarneranik nakkutilliinernut tunngatillugu suliniuteqartoqarnera Kukkuersiuinermut Ataatsimiititaliamit ajunngitsutut isigineqarpoq. Taamaattorli **ataatsimiititaliamit naammaginannigitsutut isigineqarpoq** suliassa qarfiup iluani suli unammillernartoqartoq, ingammik ajornartorsiut ukiut qulit sinnerlugit piusimanerat eqqarsaatigalugu.*

2) Pisortatut aaqquissuussanut allanut pissaaqatigiissutsit naligiissarneqarnerat (2020)

Isertitat aningaasartuutillu piffissami eqqortumi naatsorsuinermut ilanngunneqartarnissaat naatsorsuutit eqqortumik takutitsinissaannut pingaaruteqartoq kukkuersiuusumit oqaatigineqarpoq. Immikkoortut akimorlugit isertitanik aningaasartuutinillu naatsorsuinermi, tassungalu ilanngullugu 31.12-imi akiligassanik naligiissaarinermi illugiiffaarissutsip taassuma qulakkeerneqarnissaa 2024-mi annertuumik sulissutigineqartoq kukkuersiuusunit aammattaaq oqaatigineqarpoq. Kiisalu illuatungeriit suliassanut nukinnik atugassanik assinganik pingaarnersiuinerat suliassanut apeqqutaasoq kukkuersiuusumit oqaatigineqarpoq. 31.12 aallarnerfigalugu suli pisassarisanik peqarmat, tassunga ilanngullugit Kommune Kujalleq peqatigalugu isumannaagassanut tunngasut, kukkuersiuusut oqaaseqaataat suli ammapput. Tamanna 2025-mut kukkuersiuinermut atatillugu nunatta karsiata kukkuersiuusuanit malinnaavigineqassaaq.

Naalakkersuisut oqaaseqaataat:

Qitiusumik Naatsorsuuserisoqarfiup ilisimatitsissutigaa Kommune Kujalleq 2025-mi upernaakkut Namminersorlutik Oqartussanut akiligassamik naligiissarneqarnissaannut isumalluutini annertuumik atuisimallutik, tamatumalu kinguneraa suliassat naammassineqarsimanngitsut akuersaarneqarsinnaasunut ikilisinneqarsimasut.

2025-mi suliassa qarfimmik suli ukkassiniarluni Qitiusumik Naatsorsuuserisoqarfiup aamma ilisimatitsissutigaa.

Naalakkersuisut iluarisimaarpaat Kommune Kujalliup Namminersorlutik Oqartussanut akiligassaat naligiissaarineri akuersaarneqarsinnaasunut appartinneqarsimammata, kiisalu Qitiusumik Naatsorsuuserisoqarfiup tamanna suli ukkatariniarmagu.

*Susassa qarfiup iluani sukaterisoqarsimanera pissutigalugu Kukku nersi uinermut Ataatsimiititaliaq **pitsaasumik uparuaavoq.***

3) IT- atuisunik aqutsineq (2021)

Kalaallit Nunaanni Namminersorlutik Oqartussani kukku nersi uinermut ilanngullugu Nunatta Karsianut kukku nersi uisup it pillugu nakkutilliinerup nalinginnaasup ilusaa atuutilersinneqarneralu nalilersuiffigaa aammalu suliassa qarfiit pingaarutillit pitsanngorsagassat suussusersisimallugit. Naalakkersuisunut kaammattuutigine qarpoq:

- Systeminut tamanut atuisut allaffissornikkut malitassaannik suliaqassasut, taakkua ukununga tunngassuteqassallutik:
 - Atuisunik pilersitsinermut pisinnaatitaaffinnillu agguaassinermut periuseq.
 - Piffissalikkamik (minnerpaamik ukiumoortumik) isissutissanik pisinnaatitaaffinnillu nalilersueqqinnissamut periuseq.
 - Atuisut suliunnaarneranni piffissaq eqqorlugu atorunnaarsinneri.
- Periuseq Namminersorlutik Oqartussat iluani tamarmi atuutilersinneqarnissaa qulakkeerneqassasoq, taamaalilluni periuseq maleqqissaarneqassalluni ataavartumillu nalilersueqqittarneq uppersarneqartassalluni.

Kukku nersi uisut oqaaseqaatai suli ammatinneqarput.

Naalakkersuisut oqaaseqaataat:

Suleriaaseq imaappoq; immikkoortortaqaarfiit atorfinitsitsisut atuisunik pilersitsisoqarnissaanik atorunnaarsitsisoqarnissaanillu noqqaassuteqarneri naapertorlugit Digitalinngorsaannermik aqutsisoqarfiup IT-mik immikkoortortaqaarfia suliaqartarpoq. Immikkoortut immersugassamik immersuissapput IT-mullu immikkoortortamut atuisunngortitsineq kiisalu atorunnaarsitsineq pillugit nalunaarutiginninnermik nassiussissapput.

ISO 27001 atuutilersinniarneqarnera ingerlavoq aammalu nakkutilliinerit suleriutsillu arlallit aalajangersarneqassallutik, ilaatigut atuisutut isissutissaqarsinnaatitaaneq aammalu paasissutissat isumannaatsuutinneqarnissaannik kukkunersiuineq.

Taamaattorli ISO 27001 atuutilersinniarneqarnera 2024-mi novemberimiilli unitsikkallarneqarsimavoq suliniummut piginnittup sulisussaaleqinera peqqutaalluni. Immikkoortortaqaarfimmi pisortaq nutaaq 1. august 2025-mi sulilissaaq.

Taakku saniatigut atuisunik aqutsinermik assigiissaartumik suleriaasissamik maanna suliniuteqartoqanngilaq, systemit platformillu tamaasa ilaatillugit eqqarsaatigalugit.

*Tamassuma 2021-miilli kukkunersiuusunit oqaaseqaateqarfigineqartuarnera Kukkunersiuinermut Ataatsimiititaliamit **naammaginngitsutut** isigineqarpoq, ingammik atuisunik aqutsinermik assigiissaartumik suleriaasissamik maanna suliniuteqartoqanngimmat, naak tamanna Nunatta Karsiata kukkunersiuusuanit kaammattuutigineqarsimagaluartoq.*

4) Pisiniartarfinnut akiitsut aamma aningaasaateqarfinni uninngasuutit naleqqatigiissinneqarnerat (2021)

Nioqqutini pisineri kiffartuussinermilu eqqortumik piffissalersuinerup qulakkeerneqarnissaanut atatillugu pingaarnertut nakkutilliineq tassaavoq pisiortorfinni avataaneersuni isumannaagassaqaarfiit naligiissarneqarneri. Ukiup ingerlanerani immikkoortortap iluani periutsip nukittorsarneqarnissaa sulissutigineqarsimasoq kukkunersiuusumit maluginiarneqarpoq, kisiannili ataavartumik ukiullu naanerani periuseqarnerup takutissimavaa akiligassaqaarfinni isumannaagassat naligiissarneqartarnissaat suli pisariaqartoq. Taamaattumik sulinerup taassuma suli sukateriffigineqarnissaa kukkunersiuusumit kaammattuutigineqarpoq, taamaalilluni pisiortorfinni atornerpaat qulit qaammatikkaartumik naligiissarneqartarnissaat ukkatarineqassalluni, kiisalu naligiissarinerit nakkutigineqarlutik.

Kukkunersiuusunit oqaaseqaatit ilaannakortumik ammatinneqarput. Akiitsoqarfinni naligiissarineq ammatinneqarpoq, aningaasanik tigorianaannarnik naligiissarineq matuneqarluni.

Naalakkersuisut oqaaseqaataat:

Akiitsoqarallartitsinermut kontunik nassitsisarfiit ukkatarisimallugit 2024/25-mi Qitiusumik Naatsorsuuseriffiup ilisimatitsissutigaa. Akiitsoqarallartitsinermut kontunik nassitsisarfinni ataatsimut pigineqartut taamaalillutik 30.04.2024-mi 117,3 mio. kr.-init 30.04.2025-mi 26,7 mio. kr.-inut annikillineqarsimapput.

Akiligassaqaqfinnut immikkoortortaqaqfiup akissarsialerinerimut siunnersorteqarfik peqatigalugu akiligassallit akiligassaat ingerlaavartumik suli naligiissarneqartassapput nalornissutaasinnaasut pingaarutillillu aallaavigalugit.

Qitiusumik Naatsorsuuseriviup naligiissarinermik suliani nalornissutaasinnaasut pingaarutillillu aallaavigalugit sulinera Naalakkersuisut iluarisimaarpat.

*Susassaqaqfiup iluani ingerlaatsimik nukittorsaasoqarnissaa sulissutigineqartoq Kukkunersiunerimut Ataatsimiititaliamit **pitsaasumik** maluginiarneqarpoq. Taamaattorli susassaqaqfiup iluani suliniutinik Nunatta Karsiata kukkunersiuisuanut inassuteqaataasunut naapertuuttunik Naalakkersuisut aallartitsinissaat ataatsimiititaliamit kissaatigineqarpoq.*

5) ESU aamma BSU taarsigassarsititsinernik allaffissornerit (2022)

Namminersorlutik Oqartussat taarsigassarsitsisarnermut systemi aqqutigalugu aqunneqartunik ESU-mit aamma BSU-mit 1,9 mia. kr. missaannik taarsigassarsitsisimapput. Taarsigassarsitsisarnermut systemip nutaap pissarsiarineqarnissaanut piareersarnermut atatillugu taarsigassarsianik maannamut ingerlatsinermi unammilligassat ajornartorsiutillu arlallit maluginiarneqarsimapput. 2024-mi inernerit eqqarsaatigalugit annertuumik nalorninartoqartussatut nalilerneqanngitsunik ingerlatsiveqarnikkut unammillernartut pineqartut Nunatta Karsiata kukkunersiuisuanit maluginiarneqarpoq. Nunatta Karsiata kukkunersiuisuata kaammattuutigaa taarsigassarsitsisarnermut systemimut nutaamut ilutigitillugu periutsinik naliliisoqaqqittariaqartoq taarsigassarsiallu systemimut nalunaarsorneqarnissaa eqqarsaatigalugu aqqissuussaannerusumik malitseqartitsinerit atuutsinneqalertariaqartut.

Taamaattumik kukkunersiuisut oqaaseqaataat suli ammatinneqarpoq.

Naalakkersuisut oqaaseqaataat:

Taarsigassarsianik nalunaarsuinermit periutsinik naliliisoqaqqinnissaa pisariaqartinneqartoq aammalu taarsigassarsianik systemimut nalunaarsuinissaq eqqarsaatigalugu aqqissuussaannerusumik malitseqartitsinerit atuutsinneqalissasut Qitiusumik Naatsorsuuseriffik isumaqataavoq. Taarsigassarsinermit immikkoortup nutaap ineriartortinneranik atuutilersinneqarneranillu suliaqarnerit matumuuna suliniummut ilanngunneqassapput.

Qitiusumik Naatsorsuuseriviup 15. maj 2025-mi immikkoortumut INI-mut taarsigassarsisitsisarnermi atortoq nutaag aallartippaa. Ikaarsaariarnermit atatillugu taarsigassarsiat pioreersut tamarmik atortumit siullermit kukkuneqarsimasinnaaneri misissorneqarput. Taarsigassarsiat tamarmik naatsorsoqqinneqarsimapput taarsigassarsisitsisarnermullu tunngasunik inatsisinut atuuttunut naapertuuttumik nalimmassarneqarlutik.

Aamma suleriaatsit tamarmik misissorneqarlutillu naleqqussarneqarsimapput, taamaalillutik inatsimmut atuuttumut tamakkiisumik naapertuuttunngortinneqarsimallutik.

Taarsigassarsianik akilersugassaanngitsunik kiisalu taarsigassarsianik ernialersukkanik immikkoortitsineq patajaannerulersinneqarsimavoq, taamaalilluni taarsigassarsianut ataasiakkaanut killiffivii siunissami takuneqariaannanngussallutik.

Taarsigassarsisitsisarnermi atortup nutaap atuutsilerneru ingerlanneqalerneru 2026-p ukiuata affaani siullermit naammassereersimassasq naatsorsuutigineqarpoq.

*Taarsigassarsisitsisarnermi atortup nutaap ataavartumik siuariartornera suleriaatsinillu nalilersueqqinneq Kukkunersiuinermit Ataatsimiititaliamit **pitsaasumik** maluginiarneqarpoq aammalu 2025-mut kukkunersiuinermit atatillugu systemip atuutilersinniarneqarneqarnerata nanginneqarnera malinnaavigissallugu.*

4. Aningaasaqarnermik kukkunersiuineq

Kukkunersiuisoq avataaneersoq Inatsisartunit toqqarneqartoq Namminersorlutik Oqartussat ukiumoortumik naatsorsuutai pillugit aningaasaqarnermik kukkunersiuinermit ingerlataqarnikuuvoq, tassani kukkunersiuinermit ilaatinneqarlutik naatsorsuutit sutigut tamatigut eqqortumik takutitsinersut, ima paasillugu kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingusinnerusukkullu allannguuteqartinneqartoq naapertorlugu kiisalu kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersoq naapertorlugu annertuumik

kukkunertaqassanngillat amigaateqaratillu. Kukkunersiuneq ingerlanneqarpoq nunatsinni kukkunersiunermit inatsit naapertorlugu kiisalu aningaasaqarnermik kukkunersiunermit nunani tamalaani periutsit malillugit ingerlanneqarpoq. Immikkoortut tulluuttut kukkunersiorneqarnerisa annertussusaat kukkunersiuisut nalunaarutaanni allassimapput¹.

Tulliuttutigut allaqqasuni pissutsit Nunatta Karsiata kukkunersiuisuanit aningaasaqarnermi kukkunersiunermit maluginiarneqarsimasut misissorneqarput.

1) Nammineq nakkutilliineq

Nunatta Karsiata kukkunersiuisuata nalilerpaa suliffeqarfiup nammineq nakkutilliinera nammineq nakkutilliinernik illersorneqarsinnaasunik pigisaqarnermut aamma paasissutissanik naatsorsuutitut tunngassuteqartunik uppersassuseqartunik suliaqarsinnaanermut sutigut tamatigut sunniuteqaqataasq. Taamaattoorli Nunatta Karsiata kukkunersiuisuata nalilerpaa:

- Susassaqaqfinni ataasiakkaani nakkutilliinerit pilersinneqarsimasut sanngiippallaanngikkunik tamatigorluinnaq aalajangersimasumik ingerlanneqartanngitsut.
- Namminersorlutik Oqartussani aarlerinaatinik naliliinerit aamma aqutsinerit aaqqissuussaasumik aalajangersakkamillu suliarineqartanngitsut, tamannalu pissutigalugu nakkutilliinerit sunniuteqassusiat aammalu nakkutilliinermik suliaq sulisut ikinnerit atorlugit aaqqissuunneqarsinnaanersoq nalileruminaatsq.

2) IT-mik atuineq aamma IT-mik nakkutilliineq

IT atorlugu nakkutilliinerit nalinginnaasut toqqarneqartut kukkunersiorneqarnerat aammalu it atorlugu nakkutilliiffiit tamakkiisumik inerisimassuseqassusiannik naliliineq tunngavigalugit suliaqarfiit pingaarutillit pitsanngorsaavigineqarsinnaasut Nunatta Karsiata kukkunersiuisua naliliivoq. Nunatta Karsiata kukkunersiuisuata suliaqarfimmi kukkunersiuisutut oqaaseqarnissani toqqarpaa. Immikkoortoq 3.2.3-p ataani kaammattuutit taaneqartut saniatigut Nunatta Karsiata kukkunersiuisuata kaammattuutigaa:

- Ataatsimoortumik atuisut atorunnaarsinneqassasut inunnullu ataasiakkaanut atuisunik taarserneqarlutik.
- Ineriartortitsinermik suliaqartut akissarsialerineri akileraarusersuinermilu periutsitut toqqaannartumik killilersorneqanngitsumillu isersinnaatitaassanngitsut.
- Namminersorlutik Oqartussat suliaqarfimmi periutsinik misissuinerimik ingerlatsissasut, aaqqissuussat inissitsiterneqarneri periutsini aamma periutsit

¹ Deloitte (2025). Namminersorlutik Oqartussat: 2024-mi kukkunersiunermit nalunaarut (Kukkunersiuisut oqaaseqaataat), qupp. 1494-1502.

akimorlugit atuuffimmik immikkoortitsisinnaanannut toqqissisimanartumik pilersitsisoqarsinnaanerannik piareersaasoqarsinnaaqqullugu.

- Atuuffinnut/pisinnaatitsissutitut, atuuffiit imminnut assortuunnerannik nassatalinnut, takussutissiamik suliaqartoqassasoq.
- Atuisunut pinsinnaatitaaffinnik tunniunneqartunik piffissalersugaasumik nalilersuisoqattassasoq.
- Isissutissat pillugit politiki malinneqatqullugu isissutit pillugit malittarisassat atuutsinneqartut naleqqussarneqassasut.
- Misileraanerit annertussusii pitsaassusiilu ingerlanneqartut kiisalu allannguutit akuersinerit atulersitsinermut atasumik allannguinnerit tamani uppersarneqartassasut.

3) Pisortat kontonut pilersaarutaannik ataatsimoorussamik atugaqarneq

Pisortat kontonut pilersaarutaannik ataatsimoorussamik nutaamik ineriartortitsisoqarpoq atuutsitsinermillu ingerlatsisoqarluni Namminersorlutik Oqartussani kommuninilu aningaasaqarnermik aqutsinermut pitsanngorsaataasussamik.

Kontonut pilersaarummik nutaamik atuinerup ingerlanneqarnerani suli unammilligassaqarpoq, pingaartumik siunertanut kontonut pilersaarummut atatillugu. Nunatta Karsiata kukkusersiuisuata kaammattuutigaa kontonut pilersaarummik paasinninnissamik ingerlaavartumik nukittorsaaneq ingerlateqqinneqassasoq, tassunga atasumik suli pitsanngoriartortoqarnissaanut periarfissaqarmat.

4) Peqatigiiffinnut suliffeqarfinnullu tapiissutit

Ukiuortumik naatsorsuutini peqatigiiffinnut suliffeqarfinnullu tapiissutit atuuffitsik tunngavigalugit agguataarneqarsimapput. Nunatta Karsiata kukkusersiuisuata kaammattuutigaa naatsorsuutini inissitsitikkat siunissami qulequttanut pingaarnut pingasunut agguataarneqassasut (kiffartuussinissamut isumaqatigiissutit, ingerlatsinermut tapiissutit, qinnuteqarnerup kingorna tapiissutit) aningaasat atorneqarnerat ersarinnerulersikkumallugu.

5) Akissarsiat utoqqalinersiallu

Akissarsianik akiliuteqarnermut atasumik, immikkoortortanut ataasiakkaanut akissarsiat ilanngaataqanngitsut allattorsimaffiinnik nakkutilliiffiqartussanik nassiussisoqartarpoq. Nakkutilliineq pingaarutilik taanna qulakkeerinnissutaassaaq akissarsianik kukkusunik tunniussisoqartannginnissaanut aamma/imaluunniit sulisunut soraarsimasunut kukkunikkut akissarsianik tunniussisoqarsimasinnaaneranut. Aaqquissuussamik nutaamik atuutsitsisoqalerpoq akissarsiat ilanngaataqanngitsut allattorsimaffiinnik nassiussinermut aamma nakkutilliinnermut akuersissutitalimik.

Nunatta Karsiata kukkunersiuisuata siusinnerusukkut kukkunersiuinermi oqaaseqaatai attatiinnarneqarput, tak. imm. 3.2.1, periuseq suli attuumassutilinni tamani ilimagineqartutuulli iluatsissimannginnera peqqutaalluni. Nunatta Karsiata kukkunersiuisua 2025-mi tamakkiisumik akissarsiat allattorsimaffiinik nakkutilliinermut malitseqartitsissaaq.

6) Pisiortortarfinnut akiitsut naleqqatigiissinneqarnerat

Avataani pisiniartarfinnik pissaqaqatigiissutit naligiissaarneqarnerat nakkutilliineruvoq pisiat nioqqutissallu eqqortumik piffissalersorneqarnissaannut pingaaruteqarlunnartoq, tamannalu missingersuutinik ingerlaavartumik malitseqartitsinermut soorluttaaq ukiumoortumik naatsorsuutit eqqortuunerannut pingaaruteqaqaaq.

Ukiup ingerlanerani suliassaqarfimmi periutsip nukittorsarneqarnissaanik suliaqartoqarsimasoq kukkunersiuisumit maluginiarneqarpoq. Taamaattorli kukkunersiuinerup takutippaa naammattumik naligiissaarisqartarsimanngitsaq, aammalu naligiissarinerit ingerlanneqartut inissitsitikkani ammasunik amerlavallaanik imaqartut. Nunatta Karsiata kukkunersiuisua tamanna pillugu oqaaseqaateqarpoq, tak. imm. 3.2.4.

Akiligassaqarfinni naligiissarisarnerup suli sukateriffigineqarnissaa kukkunersiuisumit kaammattuutigineqarpoq, tamatumani pisiortorfinni atornerarnerpaat qulit qaammatikkaartumik naligiissarneqartarnissaat ukkatarineqassalluni, kiisalu naligiissarinerit nakkutigineqarsinnaallutik. Taamatuttaaq 31. december aallarnerfigalugu pisiortortarfinnut akiitsut naligiissarneqartarnerat immikkut ittumik ukkatarineqartalissasoq Nunatta Karsiata kukkunersiuisuata kaammattuutigaa.

Kontut tigoraaannarnik imallit nakkutilliiffigineqarnerannut atatillugu aningaaserivinni kontot ilaannaat aningaaseriviit allattugaataanni ilaasut Nunatta Kukkunersiuisuata paasivaa. ASA-mit ilisimatitsissutigineqarpoq taassuma allannguuteqarnissaanut periarfissat misissoritsik, taamaaliorluni aningaaserivimmi kontut tamarmik Namminersorlutik Oqartussat CVR nr.-anut attuumassuteqartunngoqqullugit.

7) Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit naligiissaarneqarnerat

Immikkoortup aappaani isertitatut nalunaarsorneqarsimasoq immikkoortup aappaani akiligassatut suliarineqarsimasumut assingusumut naligiissarinerimik ingerlatsivigineqarsimasumik nassaassalluni ajornakusoortoq nuussinernik pissaqaqatigiissutinillu naligiissarinernik kukkunersiuinermini Nunatta Karsiata kukkunersiuisuata maluginiarpaa.

Nuussinerit tamakkua annertunerusumik digitaliserneqarsinnaanerannik siunissami misissuisoqarnissaanik Nunatta Karsiata kukkunersiuusua kaammattuivoq, Nunatta Karsiata kukkunersiuusua naliliinera malillugu taamaaliorneq allaffissornerup ingerlalluarnernissaanut sunniuteqarsinnaammat ilaatigullu immikkoortortani attuumassuteqartuni naatsorsuutiniq allattuinermut pitsaassutsimik qaffassaataasinnaalluni.

8) Aqutsisut nalunaarutaat

Nunatta Karsiata kukkunersiuusua aqutsisut nalunaarutaannik misissuinermini maluginiarpaa pitsaassuttip qaffasissusia assigiinngisitaartupilussuusoq aammalu nalunaarutit qaqutikkut misissueqqissaarnivinnik ikorfartorneqartutut isikkoqartut.

Tunngaviatigut Aningaasanut inatsimmi oqaaseqaatit aamma aqutsisut nalunaarutaanni nassuiaatit akornanni innersuussinernik imaqarnerusariaqartut Nunatta Karsiata kukkunersiuusua oqaatigaa. Suliaqarfinni ingerlatassatut anguniakkat taaneqarsimatillugit aqutsisut nalunaarutaat minnerpaamik ingerlatat naammassineqartut ingerlatassatut naatsorsuutigineqartunut naleqqiullugit malitseqartitsinermik imaqartariaqarpoq.

9) Naatsorsuutitut nassuiaatit

Nunatta Karsiata naatsorsuutaanut nassuiaatini suliaqarfiit tamangajaasa eqqarsaatigalugit naatsuaaraapput nikingassutaasunullu pissutaasut pillugit annerusumik paasissutissiiffiunatik. Tamanna aaqqissuussaaneq suliaqarfimmi aningaasaqarnikkut qanoq ataqatigiittoqarneranik paasisimasaqannginneranut takussutissaappat tamanna aqutsinikkut unammillernartoqartitsivoq. Erseqqissumik nassuiaatit nikingassutaasumut pissutaasumik isummerfiunngitsutut isigineqartariaqartut pinngitsoortinneqartariaqartut Nunatta Karsiata kukkunersiuusua oqaatigaa. Assersuutissanut atatillugu kukkunersiuusut nalunaarutaat innersuussutigineqarpoq.

10) Sillimmasiisarnerit

Suliffeqarfissuup sillimmasiisarneranut tunngasut kukkunersiuusumit ilanngunneqanngillat. Naatsorsuutit inaarutaannut tunngatillugu ulluinnarni aqutsisut Nunatta Karsiata kukkunersiuusuanit piumaffigineqarput uppersassagaat suliffeqarfissuarmi ajutoortoqassagaluarpaa naammattumik matussusiinnaasumik sillimmateqartoq.

Sillimmasikkat matussuserneqarsimanersut nalilersornissaat siunertarlugu sillimmasiinerit tamarmiutillugit minnerpaamik ukiumut ataasiarluni misissorneqartarnissaat Nunatta Karsiata kukkunersiuusuanit kaammattuutigineqarpoq.

5. Inatsisit atuutsinneqarnerannik kukkunersiuineq

Namminersorlutik Oqartussat 2024-mut naatsorsuutai pillugit inatsisit atuutsinneqarnerannik kukkunersiuineq avataaniit kukkunersuiisumit Inatsisartunit toqqarneqartumit ingerlanneqarnikuuvoq, tassani inatsit, malittarisassat aamma nalinginnaasumik ileqqut malinneqarnerat misilerarneqartussaalluni. Sullissisarnerup (aqutsisut suliamut tunngatillugu nakkutigininnerat) pitsaassusaanik ataqatigiissarluakkamik aammalu ilusilersorluakkamik uuttortaanissamut periusissiaqanngitsoq, aammalu inatsisinik aamma malittarisassanik allanillu malinninnissamut akisussaaffik naalakkersuisoqarfinni ataasiakkaaniittoq Nunatta Karsiata kukkunersuiisuanit pingaarnertut maluginiarneqarpoq.

Taamaattumik suliap tamatuma nukittorsarneqarnissaa qitiusumit isumaliutigineqartariaqartoq Nunatta Karsiata kukkunersuiisuanit kaammattuutigineqarpoq, soorlu assersuutigalugu aqutsisunik suliamut tunngatillugu nakkutiginittussanik pilersitsinikkut. Taamatut pitsaassutsimik nakkutilliineq sullissinerup pitsaassusaanik immikkullu ittumik iliussissanik pisariaqartitsisoqarsinnaaneramik nalilersuinissamut takussutissartalimmik tunngaviliisuusaaq.

Nunatta Karsiata kukkunersuiisuanit inatsisit atuutsinneqarnerannik kukkunersuiinermi maluginiarneqartut pingaarnertut tulluuttutigit allaqqasuni saqqummiunneqarput.

1) Neqerooruteqartitsinermi malittarisassat aamma pisiniarnermi politikit eqquutsinneqarnerat

Nunatta Karsiata kukkunersuiisuata 2021-mi neqerooruteqartitsinermi malittarisassat aamma pisiniarnermi politikit eqquutsinneqarnerat itisilikkamik nakkutilliiffigaa, taamaattumik 2024-mut kukkunersiuineq sutigit tamatigit malitseqartitsinerusimalluni. Naatsorsuutini immikkoortortat arlallit pisiat 500.000 kr. sinnerlugit akillit pisiniartarnermut allaffimmut nalunaarutigineqarnissaat pillugit malittarisassanik ilisimasaqarsimanngillat. Taamaattumik malittarisassat aqunneqarnerannut atatillugu paasisutissiisarnermik suliamik nukittorsaaneq ingerlatiinnarneqassasoq kaammattuutigineqarpoq.

2) Akissarsiat- aamma atorfinitsitsinermi atugassatut malitassat

Akissarsiat- aamma atorfinitsitsinermi atugassatut malitassanik kukkunersuiinermi Nunatta Karsiata kukkunersuiisua aningaasat amerlassusiini kukkunernik annertuunik naammattuugaqanngilaq. Taamaattoorli Nunatta Karsiata kukkunersuiisuata suliani ataasiakkaani uku ilaatinneqanngitsut paasisimavaa:

- ukiut suliffiusimasut tunngavigalugit naatsorsuinerit eqqortut
- atorfinitsitsinermut allakkiamik atsiukkamik uppersaatit
- ilinniarsimanermut uppersaatit, ukiut suliffiusimasut tunngavigalugit naatsorsuinerit aamma suliffigisimasat uppersaataat CV

Tamanna tunngavigalugu isumaqatigiissutaareersoq malillugu aqqiisummi tapinut tunngatillugu akissarsiat suussusii misissorneqartassasut Nunatta Karsiata

kukkunersiuisuanit kaammattuutigineqarpoq, tassani qulakkeerniarlugu sulianik/tapinik allanik eqqunngitsumik aaqqinneqarsimanngitsunik peqanngitsaq.

3) Tuniniaanermi akuersissutit pisariaqartut pigineqarnerannik qulakkeerinninneq aamma naatsorsuutigisaasutut ingerlanneqarnerat

Ingerlaassissamut akinillu aalajangersaanermut qitiusumi malittarisassanik aalajangersaasoqarsimanngitsaq Nunatta Karsiata kukkunersiuisuata maluginiarpaa. Iseritat aaqqissuussami qitiusumi allaffissornermik ingerlatsiffigineqarput aammalu naatsorsuutitut najoqqutassaq naaportorlugu suliffimmi tassunga suleriaatsip allaaserineqarneranik ingerlatsisoqassaaq. Suliassaqarfimmi 2024-mi annertuumik allannguuteqartoqarsimanngitsaq malitseqartitsinerup takutippaa.

Taamaattumillu isertitassanik akiliuteqaqqusissutinik suliarinninnermik ingerlatseriaatsip tamakkiisup allaaserineqarneranik suliaqartoqaqqullugu Nunatta Karsiata kukkunersiuisua kaammattuivoq.

4) Aningaasaliissutitut malittarisassat, taarsigassarsianut malittarisassat il.il., eqquutsinneqarnerat.

Pisortat ingerlatsineranni tunngaviusumik malittarisassaavoq aningaasartuutit suulluunniit akilerneqassanngitsut aamma isertitat suulluunniit isertinneqassanngitsut taakkununga akuersissutit pisariaqartut pigeqqaartinnagit. Ukiumoortumik naatsorsuutitut atasumik naatsorsuutitut nassuiaatit suliarineqartut Nunatta Karsiata kukkunersiuisuanit misissorneqarput.

Nunatta Karsiata kukkunersiuisuata nalilerpaa naatsorsuutit nassuiaataat suli peqqissaarussaannerminni aamma nikingasoorummut tunngaviusunik allaaserinninnerit assigiinngisitaartut. Atorfiit inuttaqanngitsut nikingasoqarneranut pissutaasimappata suliassaqarfimmi suliassanik naammassinnissinnaanermut kingunerisimasai Nunatta Karsiata kukkunersiuisuata isumaa malillugu ilanngullugu allaaserineqartariaqarput. Taamaattumik nassuiaatit arlalitsigut suli pitsanngorsarneqarnissaannut periarfissaqartoq Nunatta Karsiata kukkunersiuisua suli isumaqarpoq.

6. Ingerlatsinermik kukkunersiuineq

Namminersorlutik Oqartussat 2024-mut naatsorsuutai pillugit inatsisit atuutsinneqarnerannik kukkunersiuineq avataaniit kukkunersiuisumit Inatsisartunit toqqarneqartumit ingerlanneqarnikuvoq, tassani ingerlatsineq aningaasaqarnikkut isumatusaarluni ingerlanneqarsimanersoq misilerarneqarnissaa siunertaalluni. Taamaaliornikkut suliassaqarfimmi sipaarsinnaassuseq, pilersitsisinnaaneq aamma pitsaasumik ingerlatsineq pisimanersoq Nunatta Karsiata kukkunersiuisuanit ukkatarineqassaaq.

Tulliuttutigit allaqqasut ingerlatsinermik kukkunersiuinermi pissutsit Nunatta Karsiata kukkunersuiisuata maluginiagai saqqummiunneqarput.

1) Sulianik- aamma nukissanik aqutsineq

Aqutsisut paasissutissanik naammattunik aamma uppersassuseqartunik piffissaq eqqorlugu aalajangiinernik tunngavilersorluakkanik aalajangiinissaminnut atugassaannut qulakkeerinnissutaasunik Namminersorlutik Oqartussat suleriaatsinik aamma nammineq nakkutilliinernik naleqquttunik pilersitsisimanersut Nunatta Karsiata kukkunersuiisuanit misissorneqarsimavoq.

Sulianik- aamma nukissanik aqutsineq killilimmik annertussusilik taamaallaat ingerlanneqartoq (annertut ingerlatsinermik suliaasaqarfimmi, taassuma ataani sulinermik ilinniarfinni, ulloq unnuarlu neqeroorutini aamma peqqinnissaqarfimmi) Nunatta Karsiata kukkunersuiisuata nalilerpaa. Allaffissornermi suliaasaqarfiunerusumi sulianik- aamma nukissanik aqutsinermut assersuutissanik nassaarniarnissaq ajornakusoorpoq.

2) Anguniakkanik aamma angusanik aqutsineq

Namminersorlutik Oqartussat suleriaatsinik aamma nammineq nakkutilliissutinik naapertuuttunik, anguniakkanik Naalakkersuisunit aalajangersarneqarsimasunik Namminersorlutik Oqartussat nalunaarusiornissaannut qulakkeerinnissutaasinnaasunik kiisalu periutsinik aqqissuussanik anguniakkanik nalunaarutiginninnermik eqqortumik suliaqarnissamut tapertaasinnaasunik pilersitsisimanersut Nunatta Karsiata kukkunersuiisuata malittaraa.

Namminersorlutik Oqartussani ilisimaaralugu anguniakkanik- aamma angusanik aqutsinermut assersuutissat ikittunnguit kisimik pigineqartut, soorluttaaq ukiup ingerlanerani angusarineqartuut pillugit uppersaatinut paasissutissat killeqaqisut pigineqartut Nunatta Karsiata kukkunersuiisuanit nalilerneqarpoq.

3) Pisiniartarnermik aqutsineq

Namminersorlutik Oqartussat pisiniarnermik isumaqatigiissutinik neqeroortitsisarnissamut suleriaatsinik aamma nammineq nakkutilliinernik naapertuuttunik pilersitsisimanersut Nunatta Karsiata kukkunersuiisuata malittaraa.

Naalakkersuisoqarfiit ilaannai pisiniarnissamut pisariaqartitat pillugit nalunaaruteqartarsimasut, aammalu nittartakkakut pisiniarfiup suli paasiuminarsarneqarneranik suliamik suli ingerlatsisoqartoq, taamaaliorlunilu pisiat amerlanerit qarasaasiatigoortumik ingerlanneqarnissaat qulakkeerneqarniartoq kukkunersuiinermi erserpoq. Pisiniartarfinnit paasissutissat piusut aamma paasissutissat allat tunngavigalugit erseqqissaasoqaqqullugu suliaasaqarfiit suut

neqerooruteqartitsiffiusinnaasutut piukkunnaateqarnersut paasinierneqassasut Nunatta Karsiata kukkunersiuusuata kaammattuutigaa.

7. 2024-mut Nunatta Karsiata Naatsorsuutai pillugit Kukkunersiuinermut Ataatsimiititaliap misissuineranut tunngatillugu immikkut ittumik sammisat

2024-mut Nunatta Karsiata Naatsorsuutai pillugit Kukkunersiuinermut Ataatsimiititaliap misissuinerminut atatillugu ukua immikkut maluginiarpai:

1) Naatsorsuutit pillugit nassuiaatit

Kalaallit Nunaanni Namminersorlutik Oqartussat pillugit kukkunersiuusut nalunaarutaanni (tak. isumaliutissiisummi matumani immikkoortoq 4.9 aamma 5.4) nikingasoqarneranut peqqutaasut pillugit nassuiaatinut tunngasut naatsorsuutitut nassuiaatit suli annertuumik allanngorartut ataatsimiititaliamit maluginierneqarpoq. Susassaqaarfinni nikingasoqarneranut nassuiaatit amerlasuut nalinginnaasumik paasissutissartakippallaartarput. Taamaattumik **ataatsimiititaliamit erseqqissaassutigineqarpoq** pisariaqartinneqartoq naatsorsuutitut nassuiaatit qulaajaalluatumik paasissutissartaqarnerusumillu suliarineqartalernissaat, taamaalillutik nassuiaatit sukumiinerusumik misissueqqissaarnerit tunngavigalugit suliaasimasut uppersarluarneqarnerusinnaammata.

2) Naammagittaalliutinik suliarinninneq

Nunatta Nakorsaaneqarfianut naammagittaalliutit pillugit Kukkunersiuinermut Ataatsimiititaliap apeqqutaanut Naalakkersuisut akissuteqaataannut tunngatillugu **Ataatsimiititaliamit pitsaasut maluginierneqarpoq**, suliat suliarineqarsimanngitsut suli amerlassusii 130-init arfineq marlunnut ikileriaateqarsimasut. Naammagittaalliutit piffissaq eqqorlugu suliarilluarneqartarnissaat qulakkeerniarlugu inatsit nutaaq naapertorlugu immikkut ittumik suliniuteqartoqarsimanera pitsaasumik kinguneqarsimasoq allaqqavoq.

3) Efterskolini atuartut uniinnartartut procentinngorlugit qaffasinnera

Konto 40.10.06 Kalaallit Nunaanni efterskolit ingerlanneqarnerinut tapiissutit pillugu Kukkunersiuinermut Ataatsimiititaliap apeqqutaanut akissummi allaqqavoq, efterskolertartut akornanni uniinnartartut amerlasoorujussuusut. Tamanna ataatsimiititaliamit ernumanartinneqarpoq kissaatigalugulu ajornartorsiut tamanna eqqumaniarfigineqassasoq. Naalakkersuisut akissutaanni allaqqavoq efterskolertartut affai sinnerlugit atuarnerminnik unitsitsisartut. Taamaattumik aningaasanik immikkoortinneqartunik qanoq ingerlatsisoqartarnersoq ataatsimiititaliamit aamma tupigusuutigineqalaarpoq, aammalu pitsaannerusimassanngikkaluarnersoq aningaasat atuartut atuarnerminnik ingerlatsiinnarnissaannut atugassiannngortinneqarnerusimagaluarpata.

4) Campus Kujallermi atuivallaartoqarsimanera pillugu misissuititsineq

Ingerlatsinermik kukkunersiuilluni misissuineramik suli aallartitsisoqarsimanngitsoq Kukkunersiuinermit Ataatsimiititaliamit maluginiarneqarpoq naak Campus Kujallermi atuivallaartoqarsimanera oktobarimi 2024-mi Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmit paasineqarnikuugaluartoq. Suliffeqarfimmut alakkarterinermit nalunaarusiap suliaralugu naammassineqarnissaa suli naalakkersuisoqarfimmit ingerlanneqarpoq, tamanna suliaralugu naammasseqqaartussaalluni ingerlatsinermik kukkunersiuilluni misissuinerup aallartinneqannginnerani. Tamatuma aallartinneqarnissaa naatsorsuutigineqassaaq 2025-mi ukiap ingerlanerani pissasoq naammassineqassallunilu 2026-ip naalernerani imaluunniit 2027-p aallartinnerani.

Naalakkersuisoqarfiup suliamik aallartitsiniarnerata kigaappallaarsimanera kiisalu ingerlatsinermik kukkunersiuilluni misissuinissap qanoq sivisutigisumik ingerlanniarneqarnera ataatsimiititaliamit **naammaginangitsutut isigineqarpoq.**

Ataatsimiititaliamit innersuussutigineqarpoq, ingerlatsinermik kukkunersiuilluni misissuinissaq piaarnerusumik naammassineqassasoq, taamaalilluni pisimasoq pillugu inerniliisoqarluni.

Kukkunersiuinermit Ataatsimiititaliamit maluginiaqquneqarpoq, 2022-mili Nunatta Karsiata 2021-mut naatsorsuutaasa akuersissutigineqarnissaannut atatillugu CAK-mi aqutsiniarnerup naammaginangitsumik ingerlanneqarnera pillugu ataatsimiititaliaq sakkortuumik uparuaanikuusoq. Tassunga atatillugu, taamatut pisoqaqqinnginniassammat, naatsorsuutit iluamik ingerlanneqalernissaannut Naalakkersuisut aamma CAK akunnerminni suleqatigiinnissaat ataatsimiititaliamit kaammattuutigineqarluni².

5) Kommuninut tapiissutit

Kukkunersiuinermit Ataatsimiititaliaq suliaminut atatillugu kommuninut tapiissutit pillugit allakkatigut apeqqutinik nassiussinikuuvoq, tassunga ilanngullugu aningaasaliissutaasut siunertanut aalajangersarneqarnikuusunut atorneqarsimanersut pillugu, tak. ilanngussaq 2. Kommunini ataasiakkaani tamanna qanoq naapertorneqarsimanersoq akissummi ersarippallaanngilaq, ingammik kommuni ataaseq saaffiginnissummut uterfiginnissimanngimmat.

Kommunit tapiissutinik atuisarnerat pillugu Naalakkersuisut malinnaatitsisassasut Kukkunersiuinermit Ataatsimiititaliamit kaammattuutigineqarpoq, ingammik illuatungeriit taakku marluk akunnerminni isumaqatiginninniarnernut atatillugu. Ilutigisaanik Naalakkersuisut pitsaanerusumik nalilersuisarnissamut suliniuteqarnissaq

² UKA2022/11. Campus Kujalleq (CAK) pillugu Kukkunersiuinermit Ataatsimiititaliaq allakkiaa.

isumaliutigisinnaagaat kiisalu aningaasat aalajangersimasumut atugassanngortitat aningaasaliissutaasunut naapertuuttumik atorneqarnissaannik qulakkeerinnissasut ataatsimiititaliamit kaammattuutigineqarpoq.

Nunatta Karsiata 2023-mi naatsorsuutai pillugit suliaqarnermi kommuninik nakkutilliineq aamma Naalakkersuisunut apeqquteqaateqarfigineqarnikuusoq tamatuminnigalu nukittorsaanissamut periarfissat eqqartorneqarnikuusut ataatsimiititaliamit maluginiaqquneqarpoq. Tassunga tunngatillugu erseqqissaassutigineqarpoq kommuninik nakkutilliineq pillugu aaqqissuusseqqinnissaq nalilersorlugu Naalakkersuisut aallartisaleruttortut³. Taamatut nalilersuisoqarnissaa Kukkunersiuinermut Ataatsimiititaliamit sulii qilanaarineqarpoq.

Kukkunersiuinermut Ataatsimiititaliap misissuineranut atatillugu paasissutissat ersarinnerusut ilanngussaq 2-imi nassaarineqarsinnaapput.

8. Ingerlatsinermik kukkunersiuinerit anginerit

Kukkunersiuinermut Ataatsimiititaliamit ingerlatsinermik kukkunersiuusut misissuinerannik anginerit 2024-mi Nunatta Karsiata Kukkunersiuusuanut inniminniisoqarnikuunngilaq.

Naalakkersuisunut ilaasortanit ingerlatsinermik kukkunersiuusut misissuinerannik anginerit Nunatta Karsiata kukkunersiuusuanut 2024-mi inniminniisoqarnikuunngilaq: Taamaattorli kinguliani allassimasooq sulissutigeqqinneqarpoq: Ulloq unnuarlu neqerooruteqarfinni akissarsiat pillugit misissuineq

9. Suliffeqarfiit nammineertitat aamma Namminersorlutik Oqartussat ingerlatseqatigiiffiini kukkunersiuineq

Nunatta Karsiata kukkunersiuusua nangaassuteqarnani suliffeqarfiit nammineertitat naatsorsuutai pillugit kukkunersiuusutut uppersaammik tunniussivoq, tamannalu ima isumaqarpoq naatsorsuutit ataatsimut isigalugu eqqortumik takutitsisut.

Namminersorlutik Oqartussat ingerlatseqatigiiffiutaanni ukiumoortumik nalunaarutini aqutsisut nalunaarutaat kukkunersiuusut uppersaananerannik erseqqissaatitaqanngitsumik imaluunniit isorinnilluni oqaaseqaatitaqanngitsumik suliarineqarput.

10. Kukkunersiuinermut Ataatsimiititaliap Nunatta Karsiata kukkunersiuususaatut inassuteqaataa

³ UKA2024/11, Isumaliutissiisummut ilanngussaq 3. Ataatsimiititaliamit apeqqummut 04.10.2024-meersumut akissuteqaat.

Nunatta Karsiata Naatsorsuutaanut kukkunersiuisussaq Kukkunersiuinermut Ataatsimiititaliap inassuteqaataa malillugu Inatsisartunit toqqarneqartarpoq tak. Inatsisartut suleriaasianni § 25, imm. 2.

Matumani maluginiarneqassaaq pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat naapertorlugu neqeroortitsinermi kukkunersiuinermut suliassaq ilaatinneqanngimmat.

Suliassaq manna tikillugu suliffeqarfiup kukkunersiuisartup Deloitte-p isumagisarini kuuaa, kisiannili taakkua 2022-mi suliffeqarfitsik Kalaallit Nunaanniitikkunnaarpaat tamatumalu kingorna namminersorlutik oqartussanut kukkunersiuinermik suliassatik Danmarkimiit suliarisalernikuullugit.

Kukkunersiuinermik suliassap kukkunersiuisoqarfimmit nunatsinni aalajangersimasumik ingerlatsisumit sapinngisamik isumagineqarnissaa Inatsisartut Siulittaasoqarfiata Kukkunersiuinermullu Ataatsimiititaliaata kissaatigisimavaat. Tamatumanilu kukkunersiuisoqarfimmik nunatsinni aalajangersimasumik ingerlatsisumik suliassamillu tiguserusuttumik aammalu suliassamik tamatuminnga manna tikillugu annertussuttip pitsaassutsillu assinganik isumaginninnissamut nukissaqarlunilu piginnaasaqartumik nassaartoqarnissaa pisariaqartinneqarsimavoq.

Kukkunersiuinermut Ataatsimiititaliaq Inatsisartut Siulittaasoqarfianit inassuteqaammik tigusaqarnikuuvoq, tassani inassuteqaatigineqarluni Nunatta Karsiata 2026-mi naatsorsuutaanik kukkunersiuisussaq Deloitte-mit BDO-mut nuunneqassasoq. Inassuteqaat ataatsimiititaliamit malinneqarpoq.

Tassungalu atatillugu Deloitte-p kukkunersiuisarneranik BDO-p ukiumit naatsorsuuseriffiusumit 2025-mit qanoq tiguisinnaanera pillugu ataatsimut aqqiissutissamik piffissamullu pilersaarummik kukkunersiuisoqarfiit Deloitte aamma BDO nassiussaqrput. Tamanna Kukkunersiuinermut Ataatsimiititaliamit assut pitsaasutut isigineqarpoq.

Kukkunersiuinermut Ataatsimiititaliap inassuteqaatigaa:

- Statsautoriserede revisionsaktieselskab BDO Nunatta Karsiata 2026-mi naatsorsuutai pillugit kukkunersiuissussatut Inatsisartunit toqqarneqassasoq.
- Statsautoriserede revisionsaktieselskab BDO Nunatta Karsiata 2025-mi naatsorsuutai pillugit kukkunersiuilluni suliaasaq Inatsisartut Siulittaasoqarfiata isumaqatigiissuteqarfigineratigut tigiisissagaa.

Ilutigisaanik Deloitte ukiorpassuarni tunniusimalluni sulisimaneranut pitsaasumillu suleqatigisimaneranut Kukkunersiuinermut Ataatsimiititaliaq qujarusuppoq.

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappasaaniigassanngortippaa.

Iddimanngiiu Jensen Bianco
Siulittaasoq

Kuno Fencker
Siulittaasup tullia

Karen-Marie K. Frederiksen

Erik Jensen

Aqqalu C. Jerimiassen

Ilanngussat allattorsimaffiat:

Ilanngussaq 1: Kukkuñersuiisut oqaaseqaataannut kukkuñersuiisumit saqqummiunneqartunut Naalakkersuiisut oqaaseqaataat, tak. kukkuñersuiisup nalunaarutaa

Ilanngussaq 2: Kukkuñersuiuinnermut Ataatsimiititaliap Nunatta Karsiata 2024-mut naatsorsuutai pillugit aallarniutitut apeqquteqaataanut Naalakkersuiisut akissuteqaataat.

Ilanngussaq 3: Kukkuñersuiuinnermut Ataatsimiititaliap Nunatta Karsiata 2024-mut naatsorsuutai pillugit malitseqartitsilluni apeqquteqaataanut Naalakkersuiisut akissuteqaataat.